



Eleccion di Prins y Pancho ta parti importante di nos tradicion

Pueblo di Aruba sa pa tradicion cu e promé actividad di Carnaval ta eleccion di Prins y Pancho infantil, hubenil y grandi, esaki ta un actividad cu simbólicamente ta lantae spiritu di Carnaval den tur y cada un di e Arubianonan. Lamentablemente desde algun aña pasá, a cumenzá detectá un olvido y e shownan no ta locual pueblo tabata custumbrá na dje.

Di tur manera Carnaval di Aruba mester di su Prins y Pancho, personahenan cu segun historia a aparecé di un manera casual, pero cu na e momento ey nunca a spera di bira asina importante.

Na 1955 ora cu Casper Lacle di Aruba Tivoli Club a keda scogí como e Prins di Carnaval

hecho cu e público den Club Caiquetio tabata masha schaars y casi sigur esnan cu tabata tey mes ta famia cu a bin apoyá e participantenan entre otro.

Pero despues di dos dia di competencia Aruba a conocé su promé representantenan di Carnaval 43. Entre e muchanan a keda eligí Francis Salomon como Prins Cargo y Pancho Swing cu ta Jimmy Werleman. Hubentud su representantenan ta pa di dos biaha Lisander Besselink y Ricky Nelson como Prins Chubato y Pancho Rock y finalmente e título di lidernan di Aruba su di 43 Carnaval a keda den persona di Prins Arubiano kende ta Carlos Geerman y Richard Bislip como Pancho Original.

E aña aki por ta debí na tur e problemática rond di e actividadnan, nan presencia por

a opacá un poco, nos ta spera di mira próximo aña un cantidad mas grandi di participante y cu

e parehanan ganador tuma nan debido lugar durante tur y cada un di e eventonan.



su amigo y ayudo di mas grandi tabata Morris Neme, kende cariñosamente tabata wordo yamá "Pancho", el a compañía Casper tur caminda y por bisa cu ta asina ey un di e tradicionnan di mas grandi di nos Carnaval a keda instituí.

Cada aña mucha y hobennan ta reuní y ta cumenzá prepará pa presentá un show comico cu por duna nan e corona y e mando di parada y e Carnaval en general. 1997 no a conocé asina hopi participante, ni tampoco shownan hopi comico cu tabata ponebo hari bai gol, pero solamente e hecho cu nan a participá y cooperá cu e cultura di nos isla ta suficiente pa duna nan un caluroso danki.

E aña aki cu dolor Alegría y Fantasía mester a remarcá e

Tur tres pareha di Prins y Pancho a ricibí yabi di e isla y mando oficialmente di nos Carnaval Diadomingo 26 di Januari parti mainta dilanti di portanan di Oficina di Gobierno for di man di Promé Minister Henny Eman for di unda nan a salí den un parada chiquito pa parada di mucha na San Nicolas.

Tin biaha pueblo ta sinti su mes confundí pa locual ta e debenan y trabao di e dos figuranan aki den nos Carnaval. Oficialmente nan trabao ta dirigí simbólicamente cada un di e paradanan escoltando tur e Reinanan. Tambe mester ta presente durante cada eleccion y yuda scohe cada un di nan repartiendo na nan paso ambiente di nos dushi Carnaval.